



## KENYATAAN MEDIA

### **STRATEGI MENINGKATKAN PRODUKTIVITI DAN PENDAPATAN PESAWAH**

1. Setelah melancarkan Hala Tuju Kementerian Pertanian dan Industri Asas Tani pada bulan Februari yang lepas, beberapa perancangan telah dibuat. Antaranya, perancangan berkaitan strategi untuk memodenkan sektor padi negara untuk meningkatkan produktiviti dan pendapatan pesawah.
2. Perancangan ini telah dibentangkan kepada YAB Perdana Menteri, Tun Dr Mahathir Mohamad dalam satu perjumpaan pada bulan yang lepas. Pemodenan penanaman padi hanya mampu direalisasikan melalui pertanian berskala besar. Justeru itu, penyatuan tanah harus dilakukan. Penyatuan tanah juga diperlukan agar pesawah dapat mencapai "economies of scale".
3. Susulan dari perjumpaan saya bersama Tun Mahathir, cadangan itu telah dibawa kepada Majlis Tindakan Ekonomi. Antara resolusi Majlis Tindakan Ekonomi pada Selasa yang lepas adalah untuk meningkatkan pendapatan pesawah, menghapuskan harga siling beras tempatan dan menetapkan harga siling beras putih import.
4. Menghapuskan harga siling pada beras tempatan dan menetapkan harga siling bagi beras putih import merupakan satu langkah jangka pendek dalam hasrat untuk meningkatkan pendapatan pesawah. Tun Mahathir juga telah berpendapat bahawa langkah ini tidak cukup dan pesawah diberi tanah yang lebih luas untuk diusahakan dan hasil padi harus ditingkatkan kepada 8 metrik tan per hektar.

5. Kementerian Pertanian dan Industri Asas Tani sedang mengkaji beberapa model penyatuan tanah dan model ini dijangka akan diumumkan pada penghujung tahun ini. Apa yang penting, model yang dipilih nanti harus mengambil kira kepentingan tuan tanah, pesawah, pelabur dan kerajaan. Penyatuan tanah ini akan diterajui oleh salah sebuah agensi di bawah Kementerian.
  
6. Tanpa perubahan beberapa dasar, penyatuan tanah dan pemodenan sektor padi ini tidak akan boleh dicapai. Beberapa dasar perlu diubah, antaranya:
  - Mereka yang mengusahakan tanah sawah lebih daripada 10 hektar berhak mendapat subsidi
  - Pesawah diberi kebebasan untuk memilih input pertanian
  - Peralihan daripada subsidi berasaskan input kepada subsidi berasaskan output
  - Harga siling beras tempatan dihapuskan dan harga siling beras putih import ditetapkan
  - Sistem kuota pengeluaran benih padi sah diubah dan digantikan dengan sistem pasaran terbuka

**YB DATO' SALAHUDDIN AYUB**  
**MENTERI PERTANIAN DAN INDUSTRI ASAS TANI**  
**13 JUN 2019**